

17.25 CUNTRASTS SIN SRF 1

Il luf è qua



Co èsi sch'ins entaupa in luf e po filmar el? Tge munta quai, sch'il luf stgarpa 60 nursas sin l'Alp Stutz? Tge fa ina pura sin l'Alp Flex per evitar ch'il luf vegn? Ubain co èsi dad ir a chatscha là, nua ch'il luf va a chatscha? Quai mussa il film «il luf è qua» da Casper Nicca. Enfin 25 lufs vivan en il Grischun, e quai procura era prest 20 onns suenter ch'ils emprims lufs èn turnads per emoziuns, per plaschair ma era per agitaziun. «Il luf è qua» – in film plain istorgias ed istorgettas davart quellas e quels che han gugent il luf, che odieschan el ubain che vulan simplamain empruvar da viver cun el.